

食舊堂禁書

廿四

卷之五

七

退菴詞

祥符 周之琦 穉圭

醉花間

道光丁未二月朔抵家作

一葉扁舟初著岸荷衣今始換慙負素餐詩忍飽田家
飯 犁鋤身未慣芻豆 恩猶戀玉京知近遠隔河一
十四郵亭望東華長在眼

好事近

一榻寄吟身燕子頻窺簾隙欲問南村花柳恨孤筇無
力 等閒窗外雨疎疎幽徑蘚痕濕忍對濃春烟景說
西風消息

一萼紅

衍石同年贈杏花二枝媵以妙詞依調賦謝

浣征衣歎緇塵滿眼無處認芳菲隔巷遙傳迎門一笑
還似閨苑初移展方絮新聲自讀賞心事餉白粥香時
枚館清愁蠡湖歸夢此意誰知 曾是曲江開好甚珍
叢折取怨別瓊枝斐几藏春銀瓶寄豔深護金屋嬌姿
算猶勝封姨暗翦掩紅淚輕逐燕鶯飛舊日名園倚處
莫寄相思

子夜歌

自辛巳至丁未舟車南北時有紀程之作公牘
餘閒間亦弄筆積久漸多家居輯而存之命曰

鴻雪詞廿七年宦跡聊資尋夢云

剡溪箋一編行記荏苒歲華重省寄情處南船北馬好
句爲誰題贈山館琴樽河橋風月那復傷萍梗但相看
鴻爪餘痕還是簡書周道寸心堪證 試儂指天涯舊
跡幾度雨昏烟暝岷葛吳蕤蠻花郢雪過影仍留影儘
含宮嚙徵侵尋霜鬢吹冷倦羽歸飛片帆催卸纔始吟
魂定按新聲小拍紅牙喚教夢醒

慶春宮

題仇實甫漢宮春曉圖卷

野雉亡來哀蟬吟後漢宮別樣春光玉樹周阿金釭銜
壁粉雲浮動花香舞裙留住趁殿角西風未涼班姬何

許空裂齊紈掩袂情傷 繁華過眼滄桑沙麓元城妖
讖難防傳詔紛馳持弓闌入做成文母禎祥仲卿書奏
累長信輕拋淚行誰移炎祚休說當時禍水昭陽

浣溪紗

近市翛然晏子居藥闌迴合槿籬疎慣看烏雀下階除
載酒斷無人問字打門恰有吏催租到家翻遣客懷
孤

又

花落花開鎮掩門忘機不識繞街塵寂無餘事稱閒身
梁燕依然同逆旅鄰鶯爭解喚鄉人悔將心跡託歸
雲

又

舊侶分張喚奈何涼秋無夢到烟蘿獨絃彈斷不成歌
眼底曹蜍生氣少耳邊莊蝶寓言多此情容易隔天
河

又

客有君房妙語言揚州騎鶴興翩翩傾身障簾總堪憐
情話漫尋潘騎省清芬誰誦陸平原悶思陳事一悽
然

又

酸棗河傾憶昔時洪波吟得阮公詩十年風景幾遷移
暗草螢飛倉史墓陰廊鬼語信陵祠等閒牲醴祀屠

兒

又

詞賦梁園久劫灰遊人還問孝王臺多因帝子解憐才
咫尺僧寮環塔址兩三村舍傍城隈已無餘地館鄒
枚

又

輦繡天街舊有名九君傳序費經營至今猶說宋東京
一穗冷烟春錦閣半灣流水翠芳亭上河圖畫不勝
情

又

土樹瓊枝感舊因教坊歌罷暗傷神不堪洗面藉潛痕

青葢辭吳猶愴惻華亭入洛尙酸辛重瞳那作汴州民

又

金字心經施上方澄心遺蹟付滄桑累他嬪御祝空王
春水東流如夢寐秋風西塔剩淒涼一花垂淚佛前香

又

三黜何勞賦謫居芝蘭香冷寸心孤雞鳴草草歲云徂
勇退漫思綿上隱生存休問茂陵書紫垣還記舊人無

又

樂府東都迴出塵小山以後數清真風流秦賀足消魂
橋柱枉逢題字客旗亭無復按歌人嬾邀明月認前身

又

十載宣南夢裏家珠巢彈指卽天涯可知宮樹不棲鴉
一榻沈吟淇上竹數枝憔悴洛陽花冷筇閒倚望京華

女冠子

蜨旌珠箔咫尺五雲樓閣望參差蓬島千齡藥華陽十
賚辭傳情金帶枕倚醉玉交卮不是鸚哥語有誰知
蝶戀花

禱雨靈壇烟篆細
甘露金瓶幾滴耕夫淚
眠夢阿香醒也未焦原
渴望雷車至
蜥蜴曾無窺管智
一紙官符入甕難迴避
繡閣丹砂需點臂
蟲蟲管甚閒公事

減字木蘭花

涼棚

杉竿幾柱細篾疎筠相綰住
小簾微涼不許西樓到夕陽
輕陰夏五底事梅炎偏易雨
雨亦堪聽畫舫江南憶此聲

太常引

塵沙拂面阻清遊
長日下簾鉤
誰倚鈿筵篴儘彈出新
愁舊愁
朋尊冷落詩懷潦倒排悶強登樓
風柳一枝

秋認當日烟花汴州

燭影搖紅

己酉元夕

三五良宵乞漿且喜年逢酉祇今無復萬枝燈也自游
驄驟迤邐瑤街左右鬧蛾兒盈盈茜袖玉梅香煖爆竹
烟深聽殘蓮漏 春日春盤翠尊不用清歌侑等閒留
住月蟬娟相伴啼鴉後屈指韶光暗逗儘安排尋花問
柳鳳簫聲裏願得年年歡娛依舊

鬪百草

茶蘼作花甚盛詞以賞之

薄煖庭階漸長天氣韶光老闌苑移根翠陰壓架千朵

粉雲細裊認幽姿
恰淨洗鉛華天然娟妙更嫩葉含風
濃芬裊露伴人清曉
還是尋香蝶趁摘豔蜂忙那說
一年花事了
梨夢酣餘柳綿飄盡宴飛英芳尊自倒淵
明語得稱心時固爲好漫相惱任西園杜鵑喚早

錦堂春慢

庚戌春仲小住都門適俞堦香屏在京候禮部
試三年之別相見甚慰惜余適歸在卽不及留
待榜發因填此解

葵藿孤生菰蘆槁項十年重踏京塵幸天涯萍梗握手
情親往事傾談未盡清愁別袂仍分算虹橋路迴鶴蓋
陰濃難著閒身
鏡蓉佳讖應準但驪駒催喚欲住無

因望切泥金好語早寄衡門射策君宜上第看花我愧
陳人問新鶯隊裏舊曲誰知山抹微雲

曲游春

道旁短垣中緋桃餘花數朵妍媚可悅如使移
植都門必當忙煞遊春車矣

一水疎籬映見小桃朱朶牆角低亞麗質天生甚芳根
偏寄冷烟茅舍休問量珠價夢不到玉樓瓊榭儘露華
啼濕東風肯學杏紅偷嫁妍雅幽懷暗寫似空谷佳人
塵外瀟灑可惜啼鵲喚仙山歸去倩妝輕卸嘶騎閒
門下更誰記乞漿餘話無奈燕麥元都爲伊恨惹

木蘭花慢

詠柏鄉店舍柳

怪當門細柳見行客似依依
記檀板徵歌金尊喚酒盃
繞香閣芳菲舞腰倦倚正三眠
三起泥人時消得天涯
別恨渭城一曲新詞
淒其花月舊情非
烟穗只低垂
歎尋春年少何人解憶當日顰眉
禁持峭風暗翦便章
臺瘦盡有誰知指點黃昏院落
暝鴉飛上空枝

徵招

今春匆遽赴都衍
石過我敘別辭色慘然有異
疇昔心竊訝之未幾余歸而君竟以病歿
素心
人往誰與數晨夕者悵矣

北山偶爾停雲出
匆匆暫分吟袂話別未移時
早嚶鳴

人逝舊盟今剩幾忍重溯紫垣遺事四十三年澹烟清
夢暗飄燈穗棄置竟何心江鄉路難尋狎鷗閒地千
卷史公書儘周南留滯卜居辭慢擬已零落蕙纓蘭佩
廣陵散一曲哀彈歎古音誰嗣

雙雙燕

嘲燕

柳塘杏苑認當日輕盈漢宮姝麗斜風一翦弄影愛尋
羅綺久住芹泥舊壘又貪說烏衣門第終朝絮語呢喃
那識投懷深意前事吾廬曾寄待小院開簾更將春
至翩翩何許慣向玉樓凝睇王謝雕梁任倚但秋社光
陰能幾從他錦字傳箋空惹故人清淚

滿江紅

甚矣吾衰七十載
光陰虛擲曾幾度
春來秋去曦輪已
仄脈脈徒懷塵外
想悠悠終是人間
客憶東塗西抹少
年時差何及
雞與鶩從爭食
蚌與鷸從誇力
但相看一笑馬牛
風隔長慶詩筒
餘昨夢永和禊
飲成陳跡歎
曹劉沈謝盡消
亡今誰識

河傳

錦浦佳處浣花祠
宇梅柳成行掃眉
人去還見金井叢
篁繞迴廊
勝遊爭免天涯感
衣香減羞說緇塵
染輪他仙侶依舊
蓮燭分光賦長揚

又